



Te mafê îqameyê bo Fînlandayê wergirtiye

Daîreya Koçberan biryareke erênî li ser dawaya te ya penaberiye daye. Ew tê wê wateyê ku te îqameyê demkî bo Fînlandayê wergirtiye.

Nûner

Nûnerê te dikare karê xwe bidomîne. Ew di meşandina karûbaran de alîkariya te dike heta ku bibî 18 salî.

Li gel biryarê karta îqameyê didin te

Karta îqameyê diyar dike ku te maf heye li Fînlandayê bî. Li ser kartê nivîsiye ka dema îqameya te heta kengî ye.

Kartê winda neke. Eger kartê winda bikî, yekser bibêje nûnerê xwe. Nûner dê alîkariya te bike karteke din wergirî. Karta nû bi pare ye.

Gava ku bibî 18 salî, êdî te nûner nîne û divê tu bi xwe karteke nû, ya bi pare peyda bikî eger karta xwe ya îqameyê winda bikî. Hingê demekê li xizmetgeha Daîreya Koçberan bigire daku bo te karteke nû çêkin.

Gava ku tu li Fînlandayê bijî, divê te belgeyê seferkirinê ya nû hebe

Li gor qanûna Fînlandayê divê te belgeyê seferkirinê ya nû hebe. Nûner di vê mijarê de jî alîkariya te dike.

▪ Eger mafê penaberiye yan parastina pileya duyem bo Fînlandayê dabe te

Eger mafê penaberiye yan parastina pileya duyem li Fînlandayê bidin te, dikarî pasporta welatê xwe bi kar bînin yan eger hez dikî dikarî belgeyê seferkirinê ya penaberan an pasporta biyaniyan dawa bikî. Nabe ku te hevdem pasporta welatê xwe û belgeya seferkirinê ya Fînlandayê wergirî. Eger te hê pasporta welatê xwe hebe, divê tu wê bidî Daîreya Koçberan gava ku belgeyê seferkirinê ya penaberan an pasporta biyaniyan wergirî.

Eger te pasporta welatê xwe tine be, divê ku belgeyê seferkirinê ya penaberan an pasporta biyaniyan dawa bikî. Dawakirin bi pare ye.

- Eger mafê penaberiye dabe te, dikarî belgeya seferkirinê ya penaberan wergirî
- Eger parastina pileya duyem dabe te, dikarî pasporta biyaniyan wergirî.

Bizane ku eger piştî wergirtina mafê penaberiyê yan parastina duyem pasporta welatê xwe peyda bikî, ew dikare bibe sebabê qutkirin an betalkirina mafê te yê penaberiyê yan parastina te ya pileya duyem.

▪ Eger bi sebebê din îqameyê bidin te

Eger ji bilî mafê penaberiyê yan parastina pileya duyem ji ber sebebê din îqameyê bidin te, divê ku te pasporteke nû ya welatê xwe hebe yan dawa pasporta welatê xwe bikî.

Dikarî pasporteke biyaniyan wergirî eger bikarî pasportekê ji karbidestên welatê xwe wergirî yan bo wergirtina pasporta biyaniyan sebebê din yê taybet heye. Di wî halefî de Daîreya Koçbean biryar dide ka pasporta biyaniyan bidin te yan na. Dawakirin bi pare ye.

Tu dibî rûniştvanê bajarekî

Karmenda sosyalê ya navenda penaxwazan û nûnera te karûbarên te yê neqilbûna ser bajarekî dimeşînin. Piştî neqilbûnê tu êdî ne mişteriyê navenda penaxwaziyê yî lê dibî rûniştvanê bajarê xwe.

Dikarî bêyî destûreke cuda xwandingeh an perwerdeya xwe bidomînî

Li Finlandayê zarokan erkê perwerdeyê heye. Ew tê wê wateyê ku divê her zarok xwandingeha bingehîn heta dawiyê bixwîne. Berî destpêkirina xwandingehê divê zarok beşdarî pêşperwerdeyê bibin.

Eger te li Finlandayê xwandingeha bingehîn qedandibe yan êdî ne li temenekî wisa yî ku erkê perwerdeyê li ser te mabe, dikarî dawa cihêkî xwandekariyê bikî û cihêkî wisa qebûl bikî. Bo xwandekariyê ne hewceyî destûreke cuda yî.

Di biryarê de behsa mafê karkirinê tê kirin

Li Finlandayê zarok kar nakin lê diçin xwandingehê. Eger bixwazî kar bikî, divê ku zêdeyî 15 salî bî.

Di biryarê de hatiye behskirin ka te mafê karkirinê li Finlandayê heye. Mafê karkirinê herwiha li ser karta te ya îqameyê jî hatiye diyarkirin.

Dikarî herwiha ji polîs karta nasnameyê dawa bikî

Dikarî ji polîs dawa karta nasnameyê bikî ku belgeyêke fermî ya nasnameyê ye. Ew meşandina karûbaran li Finlandayê hêsantir dike. Belgeya nasnameyê bo nimûne bo vekirina hesaba bankê li Finlandayê hewce ye. Dawakirin bi pare ye. Nûner alîkariya peydakirina karta nasnameyê dike.

Bizane ku belgeya seferkirinê ya penaberan yan pasporta biyaniyan ne belgeyên fermî yê nasnameyê ne heta hingê jî gava ku nîşana misogernekirina nasnameyê li ser nebe jî. Agahiyên zêdetir derbarê misogernekirina nasnameyê li ser malpera Daîreya Koçberan hene: migri.fi/henkilollisyys-varmistamatta.

Niha endamên malbata te dikarin dawa îqameyê bo Fîndandayê bikin

Di qanûna Fîndandayê hatiye diyarkirin ka kî endamên malbatê wisan in ku dikarin dawa îqameyê bo Fîndandayê bikin. Şertên wergirtina îqameyê bo endamên malbatê girêdayî wê ne ka îqameyê çawa wergirtiye. Dawakirin bi pare ye. Li gel nûnerê xwe derbarê mijarê biaxive.

Eger mafê penaberiyê dabe te, bizane ku şertê dahata misogerkiî ji endamên malbata te naxwazin eger ew dawa îqameya malbatiî bikin di heyama sê mehan de ji wê demê ku te biryar wergirtiye.

Eger te mafê penaberiyê yan parastina pileya duyem li Fîndandayê wergirtibe, şîretek li gel biryarê tê ku tê de agahiyên zêdetir hene ka çawa endamên malbata te dikarin îqameyê ji Fîndandayê wergirin.

Agahiyên zêdetir derbarê dawakirina îqameya endamên malbatê li ser malpera me hene: migri.fi/perheenjasenen-luokse-suomeen.

Ji bîr neke îqameya xwe nû bike

Daku bikarî piştî bidawîhatina îqameya xwe ya niha jî li Fîndandayê bimînî, divê ku berî bidawîhatina îqameya niha dawa nûkirina wê bikî. Îqameya duyem ji Daîreya Koçberan tê dawakirin.

Dawaya îqameya duyem baş e ku li ser internetê were kirin eger mimkin be. Şîretan li ser malpera me bibîne: migri.fi/jatkolupa.

▪ Eger mafê penaberiyê yan parastina pileya duyem dabe te

Eger mafê penaberiyê yan parastina pileya duyem dabe te, belkî bikarî yekser piştî îqameya yekem, îqameya daîmî wergirî. Hewce ye ku hingê tu çar salan li Fîndandayê jiyabî.

Agahiyên zêdetir li ser îqameya daîmî ji malpera me: migri.fi/pysyva-oleskelulupa.

Eger dawa îqameya duyem an belgeya seferkirinê bikî û agahiyên te yên têkiliyê biguherin, Daîreya Koçberan zû agadar bike

Divê ku tu Daîreya Koçber ji agahiyên xwe yên têkildanînê û guherîna wan agadar bikî gava ku dawaya te li Daîreya Koçberan be. Di dema meşandina dawaya te de Daîreya Koçberan dikare bi posteyê nameyan ji te re bişîne yan nameyekê bişîne û diyar bike ku şandiyek ji te re hatiye ku divê tu biçî cihê wergirî û navê wî cihî diyar dîke.

Eger te dawaya xwe bi elektronîkî kiribe, agahiyên xwe yên têkildanînê li ser malpera Enter Finland biguherîne: enterfinland.fi

Eger te dawaya xwe bi kaxezî dabe, agahiyên xwe yên guherî li ser formekê bide ku li ser malpera me heye: migri.fi/muutoksista-ilmoittaminen. Formê bi

posteyê bişîne daîreyê yan dema vekirîbûna xizmetgeha Daîreya Koçberan bîne wê derê. Formê bike namedankeke û têxe sindoqa posteya xizmetgehê.

Mafê te yê penaberiyê yan parastina pileya duyem dikare di hin haletan de were qutkirin an betalkirin

Mafê te yê penaberiyê yan parastina pileya duyem dikarin bîn qutkirin û îqameya te bêt betalkirin eger bo nimûne tu sefer bikî welatê xwe yan pasporta welatê xwe peyda bikî.

Mafê te yê penaberiyê yan parastina pileya duyem dikare bêt betalkirin eger te agahiyên şaş an xapîner dabin karbidestan ku tesîr li biryara te kiribe.

Li gel biryara qutkirin an betalkirinê Daîreya Koçberan lê dikole ka sebeb bo îqameya te hene. Hingê Daîreya Koçber herwiha biryara wê yekê jî dide ka dikarin te ji Fînlendayê derxin û biryara qedexekirina hatina welatê bidin te yan na.

Tawankarî dikare bibe sebebê wê yekê ku dîsa biryareke nû li ser mafê te yê penaberiyê yan parastina pileya duyemê bidin. Biryar dikare bibe sebebê qutkirin an betalkirina mafê penaberiyê yan parastina pileya duyemê û derxistinê.

Dikarî paşî dawa welaîniya Fînlendayê bikî

Dikarî dawa welaîniya Fînlendayê bikî gava ku tu çar an pênc salan bê navbir li Fînlendayê jiyabî. Dema jiyane ya şert li gor wê ye ka bi çi sebebê îqame daye te û herwiha zanîna te ya fînlendî yan swêdî divê li gor şertên diyarkî be. Şertekî welaîniyê jî ew e ku nasnameya te bi misogerî hatibe ronkirin. Divê ku tu ji aliyê aborî ve debara xwe li Fînlendayê bikî. Tawan dikarin bibin rêgir li ber wergrîna welaîniyê.

Agahiyên zêdetir wergire

- Ji malpera Daîreya Koçberan: migr.fi/turvapaikka-suomesta
- Vîdyoya Daîreya Koçberan ya "Biryara erênî": migr.fi/video-turvapaikanhakijoille